

湯子遺書



湯子遺書卷九 目錄

告諭

嚴禁差役下屬擾民貽害事

嚴禁關蠹積弊以安商民事

嚴禁刁棍保債以杜擾害事

欽奉上諭事

停止詞訟事

欽奉上諭事

禁約事

禁約事

湯子遺書卷九 目錄

清理監獄事

再陳地方之害等事

清汰衙門員役事

申嚴紀律以肅營伍事

裁汰冗役事

申明弭盜之令以安民生事

嚴禁容留匪類以靖地方事

欽遵上諭以明教化以善風俗事

申嚴包納錢糧之禁以祛蠹安民事

再申嚴禁卧批之弊以清錢糧事



飭行徵糧要務永杜混冒積弊事

立法嚴禁卧批之弊等事

禁收稅索詐之弊以安民生事

嚴飭三吳風俗浮薄事

曉諭事

修葺古祠以崇聖德事

嚴禁停柩不葬以宏孝治以廣仁德事

為理財用人等事

申飭獄政以重民命事

禁約事

湯子遺書卷九 目錄

嚴禁借端私派以除民害事

嚴禁左道兇徒以端風尚以靖地方事

嚴禁攤派輸穀以除民累事

水災異常諄諭屬寮實圖修省以回災變事

霍雨災患非常等事

頒行賑粥條例以圖救荒實政事

禁止建碑立祠以正惡俗事

毀淫祠以正風化事

申飭事

嚴禁扒手以除民害事

嚴禁婦入寺廟燒香以正風俗事

懇賜憲示以便封植事

禁約事

再飭訪拏以除民害事

嚴禁焚棺水葬以廣孝思以厚風俗事

嚴禁借端私派以除民害事

恭陳末議等事

奇弊屠商號憲滅蠹事

永杜夤緣請託之弊以肅官方事

湯子遺書卷九目錄

三

奇弊屠商

恭陳末議

懇賜憲示

嚴禁焚棺水葬

再飭訪拏

禁約事

懇賜憲示

嚴禁婦入寺廟

湯子遺書卷九 江南公牘

嚴禁差役下屬擾民貽害事



照得差役之設不過奔走傳奉而已邇來各官不遵經制正差之外濫收副役副役之外各有黨羽遇事風生奸巧萬狀本官墮其術中或徵收錢糧或拘提人犯動輒差遣不知此輩得票到手便視爲奇貨飛檄下鄉索取規例百計酷索不饜不休國課未完而民脂已盡冤抑未伸而兩造如洗卽欲急公完課悔過息爭差役逼勒勢難自由以致正供愈虧民冤愈深種種弊端莫可究詰又司

湯子遺書卷九

江南公牘

一

道府廳不分事之大小緩急動輒差役下所屬州縣此輩朝出署門舉止便異暮宿鎮店威福卽行直上公堂與縣令分庭抗禮鎖拏經承咆哮放恣莫可誰何婪詐財賄充囊無厭遞相剝削究竟皆屬民膏本都院下車以來稔悉此等情狀合亟行示禁爲此示仰撫屬官民人等知悉嗣後催科則用截票聽其依限完納所完偶未及分量寬數日聽其措辦詞訟則票給原告協同圖區甲長拘喚不得輒用差役下鄉上司行催所屬俱由遞鋪發票定限嚴催亦不得輒行差提如有事關 欽限

經承抗玩三催不應者止許正差一人搭附便舟
不得飛駕雙櫓快船高懸水牌燈籠多帶水手黨
羽沿途嚇詐及故意遲延恣行勒索如有仍襲前
弊稔惡不悛者許受害人等不時赴院呈控以憑
盡法究治計贓定罪仍將本官一併參處不貸

嚴禁關蠹積弊以安商民事

照得設關司權原爲裕國通商樑頭原分丈尺
貨物定有則例毋許額外加收乃年來關蠹作弊
日甚商民不得親填紅簿稅票又無數目登查多
立名色層層勒取朋比分侵莫可究詰如滿料船
湯子遺書卷九 江南公牘

二

隻一倍科至十倍小船例不納稅者亦一槩橫徵
往來商旅飲恨吞聲申懇無門夫設關收稅貨物
抵關猶有成例至於本地薪米乃民間日用飲食
之常鄉僻小口又居民往來之路或有奸商越關
取道小徑果係漏稅犯法懲處自有正條豈容不
分商民盡爲網羅無處不巡攔無物不盤詰直至
較量錙銖幾於路斷行人似此病商病民其何以
堪本都院奉命撫吳志在剔弊除奸除現在確
訪拏究外合亟示禁爲此示仰該關各役知悉嗣
後商民凡有貨物到關祇依本船樑頭丈尺遵照

部頒則例完納仍令本商親填紅簿給與稅票登註數目毋得仍前額外加收其支河窄港巡船白拉諸弊槩行革除如敢故違或經本院訪聞或被商民首告立刻鎖拏究審得實輕則按律治罪重則請旨正法決不姑容慎勿陽奉陰違以身嘗

試
嚴禁刁棍保債以杜擾害事

照得百姓各有本業力作自給勤勞節儉皆可足用斷不宜輕揭債銀貽累後日乃有一等無賴奸民或串通營旗機局或依附勢族大家乘愚民偶

湯子遺書卷九

江南公牘

三

爾空乏或因婚嫁無資或因賭輸致困探知其家有房產可售妻女可抵或父兄可累姻親可扳輒身爲中保多方鈎搭誑其立券迨立券之後本利相生輾轉無已盤算幾時則家產人口盡皆折入宗族親戚無不受害雖朝廷屢有嚴禁律例森

然究之事發則放債者罹刑事寢則揭銀者受累而作保居間者置身局外安坐中飽宜其敢於肆惡而無所忌憚也合亟行嚴禁爲此示仰軍民人等知悉嗣後當思勤儉二字爲保家之要勿奢靡勿諸蕩斷不可聽信奸詐之言輕揭債銀卽刁棍

奸徒以後亦不得誑騙愚懦爲之居間作保犯者
先將保人嚴拏盡法究治責令賠償其放債折準
子女產業者依律治罪揭債之人一併究懲法在
必行決不輕貸特示

欽奉上諭事

准咨仰撫屬官吏軍民知悉今聖駕巡狩萬姓
共樂昇平不鑿輿經臨毋得挾私誑告故違拏究

轉諭停止詞訟事

照得時當歲暮士農工賈各有卒歲之謀例應停
訟與民休息况恩詔洪頒凡在赦前之事槩不

湯子遺書卷九

江南公牘

四

准行尤宜仰體皇仁宏開法網誠恐諸司違例
准理合行嚴飭爲此仰司道府州官吏文到立刻
轉行所屬將一切詞訟槩行停止有從前准過者
亦卽掣銷不許濫行拘擾其欽部命盜叛逆重
情照常審理速行詳結著卽大張告示曉諭通知
如敢故違察出定行題參慎切

欽奉上諭事

康熙二十三年十一月初四日奉一上諭諭總督

王巡撫湯薛朕向聞江南財賦之地全觀民風
土俗通衢市鎮似覺充盈至於鄉村之饒民情之

樸不及北方皆因粉飾奢華所致爾等身爲大小
有司當潔已愛民奉公守法激濁揚清體恤民隱
務令敦本尚實家給人足以副朕望老安少懷之
至意欽此欽遵擬合就行爲此仰司官吏卽便移
行各司道并所屬府州縣一體欽遵仍查照抄粘
上諭及總督部院安徽撫院本都院奏對緣由
轉行蘇州府遵取能書楷字之人并精工刻手選
石鐫刻豎立圓妙觀昭示臣民世世遵守工竣之
日將碑文呈驗毋違

禁約事

湯子遺書卷九

江南公牘

五

照得學宮爲教化原本 朝廷極其隆崇 聖主
之尊猶必臨雍釋奠豈琳宮梵宇所可比重今聞
有營兵牧廝輒敢放馬牧牛蹂躪穢褻賭博戲侮
肆無忌憚不法殊甚合亟嚴禁爲此示仰該學官
役及兵民人等知悉嗣後一切營兵牧廝不許闖
入學內賭博戲侮及放牧牛馬污穢作踐如敢故
違許卽扭稟以憑重責枷示該學夫役亦當時常
掃除殿廡階墀務要潔淨本院不時察驗以示勸
懲毋忽

禁約事

照得周忠介公清忠剛介正氣凌霄聞其風烈足以廉頑立懦祠堂遺像生氣凜凜本院景仰有素入祠瞻禮想見當年節概但其地逼近府署胥役人等往往借寓造冊褻穢侮慢甚至賭博飲酒喧譁無忌殊不知忠直之臣生爲正人歿爲明神如混行褻瀆不有陽罰卽有陰譴爲此示仰地方居民人等知悉自後如有胥役入祠褻瀆及飲酒賭博戲侮喧譁者卽扭稟本院重責枷示不貸

清理監獄事

據該廳造呈蘇府長吳二縣各監鋪人犯花名略

湯子遺書卷九

江南公牘

六

節冊到院據此查冊內有關欽案及侵盜錢糧罪犯并事在赦後者應行監禁外尚有赦前輕罪人犯應行省釋合就飭行爲此仰本官卽將發夾監犯略節冊三本查照粘簽應保釋者立刻保釋應查覆者立刻查覆限文到二日內將遵行緣由呈報以憑核奪原冊並繳毋違

再陳地方之害等事

據該縣條陳請禁巡船白拉賽會演劇假命打槍土棍把持招徠墾荒各款緣由到院除經批開詳內各款俱切時弊該縣果能力行禁革亦可謂良

吏矣但借命抄搶土棍把持及賽會糜費等項惡習吳中在在俱有不獨錫邑爲然本院已有示禁仰布政司會同江常蘇松淮揚徐各道再嚴行禁飭其白拉害民一欸前據長吳各縣會詳已批該司確議勒石永禁仰速照前批詳報等因批行外合就行知爲此仰縣官吏查照來文事理卽將本院批飭緣由知照該縣仍加意力行禁飭出示城鄉遍行曉諭務使澆風漸息民俗漸淳於以見該縣之實心實政也本院拭目俟之

清汰衙門員役事

湯子遺書卷九

江南公牘

七

照得本院查點標員內有舍人俞六吉曾役過吳縣門子違例投充又効用林文彬舍人姚起鳳沈允仁或點名不到或來歷不明同班不敢具結俱經革除外查各員皆係該縣人氏誠恐仍冒標員名色在籍招搖生事亦未可定又承差吳九儀舍人高煥沈大經俱情願歸農亦准退役合并行知爲此仰縣官吏查照來文事理卽便知照毋違

申嚴紀律以肅營伍事

照得姑蘇重地特設三營兵馬保固疆圉護衛民生各將弁自當申明紀律教演士卒務期兵民相

安隊伍整肅始爲稱職近聞營中老弱充數虛糜糧餉甚有驕悍不法之輩生事擾民此皆該管將領約束不嚴訓練不勤所致今酌定五款再加申飭爲此仰該將查照來文并粘列款目轉飭所屬弁兵逐一凜遵務期一洗舊習嚴加約束時勤操練本都院不時點查較閱大示勸懲毋得違誤仍出示曉諭兵丁通知先具遵依報查

一營中有年勿識字略曉文理者令讀五經四書時常講說使得通曉仍一槩按期教演騎射武藝不得生疏

湯子遺書卷九

江南公牘

八

一軍中老弱疾病懶惰不振酬酒生事虛詐不實好傳訛言惑亂人心者革退另補毋許冗濫虛糜糧餉

一百姓俱設保甲軍士豈容疏縱如本隊兵朝出暮歸回家所帶何物本夜容留何人家道乍貧乍富衣服乍破乍整爲奸爲盜人誰不知以後千把總管隊互相覺察如有通盜顯跡卽行申報本都院先以軍法網打仍發有司依律定罪隊長知而不舉事發一體重究

一兵以衛民民以養兵營中兵餉一絲一粒孰非

小民胼胝汗血如有放馬打草踐踏民田搶奪民物酗酒聚眾肆行打詐及放債違禁取利者痛加懲處革伍

一守千把總不許借名剋減兵糧違者許軍士控告立行提究

裁汰冗役事

照得衙門胥役定有經制額外多用卽屬違例况此輩本來白役又鮮身家朋比作好招搖生事無所不爲吏道弊壞民生憔悴率皆由此本都院奉命撫吳首在安民除害業將本院衙門冗員冗

湯子遺書卷九

江南公牘

九

役盡數除名勒令歸農仍行文各該原籍知照外惟是各衙門不遵經制濫行收用全無定額一衙門多至數千人官長竟不識面呼朋引類以一充十試思此輩有何志向有何作爲不過魚肉小民弁髦法紀撫屬衙門盈百是千里之內有數百萬虎狼也若不清釐流毒何底除惡跡最著者另行訪拏外爲此牌仰司道府廳州縣照牌事理卽將該衙門吏書皂快等役務遵經制慎選謹慎無過身家殷實者充當其有奸棍白役積年猾胥犯罪

被刑更名易姓倚恃衙門圖飽谿壑者盡行裁汰

先具遵依報查限文到五日內將汰過姓名造冊呈報仍出示曉諭里民盡知以杜假借之端如敢陽奉陰違仍行濫留致滋作奸害民察出定以違例不職指參決不姑貸

申明弭盜之令以安民生事

照得三吳爲南北通衢兵農商賈鱗次雜處奸宄易於叢生頑良難以辨白本院下車之始首以靖盜安民爲念屢經查禁不謂邇來盜案頻聞閭閻驚擾皆因法久廢弛稽查疏懈查蘇城內外街巷向來設有柵欄每夜定更之後無分大小居民輪湯子遺書卷九 江南公牘

十

流看守詎意懈弛偷安貧富不均遂至所樹木柵頽者頽而缺者缺地方有司亦聽其廢而不行修補再如六門譙樓自當責成守門官兵按時計刻鳴鑼擊柝以分更次今乃竟爾寢廢無惑乎盜風日熾民患未除也至於布坊踰匠皆係異鄉窮徒無籍可稽日則踰布爲業夜則聚黨爲非大則明火執械小則鑽槍挖壁公行無忌若輩備趁來蘇投主踰布原有保頭領布踰踏原有坊主若不嚴行責成爲害不淺除出示曉諭行道府廳遵照外合行嚴飭出示曉諭爲此仰道府廳縣官吏查照

來文事理示仰蘇城官吏士民商賈人等知悉嗣後城內城外街市處所凡有原舊設立柵欄逐一稽查傾頽者卽爲修整缺廢者照舊置立責令居民查照往例輪流看守不許偷安但不許差撥營兵以致生事擾民每夜放號礮之後卽當禁止夜行如有各衙門員役奉差公事及應比里甲糧長自有照票可驗其民間婚喪疾病生產等事俱應訊問居址卽行放走其城樓更鼓照舊舉行若夫金閫一帶踰布匠役如一坊踰匠著落保頭坊長如內有酗酒賭博及犯盜情事件保頭坊長連坐湯子遺書卷九 江南公牘

十一

其知情自首者免處仍不許挾仇妄首至於保頭之來歷坊主尤當詳察方可發布分踰遇晚責令保頭將散匠盡行收閉一處不許聽其在外行走至於地方遇有強竊失事該印捕官尤須嚴督捕役先將盜賊廣行緝拏勒限追比必俟獲日審擬追賊不得預將事主拘攝拖累倘地方有司奉行不力及旁委衙官濫差衙役以致生事擾害定以縱盜殃民從重指參

嚴禁容留匪類以靖地方事

照得蘇城商賈萃聚五方雜處常有遠方無賴奸

徒勾通本地市棍潛藏境內互相招搖暗行詐騙
逃人叛犯舉雜其中貽害地方不可勝言如閭闔
楓橋游墅闖爲人烟稠密之地尤易藏奸而虎邱
一帶離城寫遠游手好閑之輩往往結伴嬉游改
名換姓或誑稱勢要親識或假稱官府族黨客店
僧房不察來歷任其棲止甚至信其誇大之言傾
身結納希圖餘潤此輩蹤跡詭祕小則誘拐子女
大則玷污官箴深可痛恨合行嚴禁爲此示仰該
管官吏及軍民人等知悉嗣後僧房客店凡有遠
來投寓或稱官宦親識或稱候補職官大言無忌
湯子遺書卷九 江南公牘

形迹閃爍卽係無賴光棍一槩不許留歇其茶坊
酒肆亦各留心稽察倘有此等不法之人保甲十
家長卽時舉報有司嚴拏詳報本都院盡法懲處
輕則遞解原籍重則照光棍例治罪如有容隱不
報事發一體拏究決不姑貸

欽遵上諭以明教化以善風俗事

照得本院撫治三吳孜孜以化民成俗爲務乃三
吳風俗日敝人心不古侈靡相尚僭濫多端囂訟
益繁豪棍遍地孝弟禮讓之風陵替已甚敦本尚
實之意杳矣無聞本院未能力挽積習實深惶愧

因檢閱各部頒發

上諭見康熙九年十月內奉

有 上諭頒行十六條曰敦孝弟以重人倫篤宗族以昭雍睦和鄉黨以息爭訟重農桑以足衣食尚節儉以惜財用隆學校以端士習黜異端以崇正學講法律以儆愚頑明禮讓以厚風俗務本業以定民志訓子弟以禁非爲息誣告以全良善戒窩逃以免株連完錢糧以省催科聯保甲以弭盜賊解讐忿以重身命竊嘆 聖人之言廣大精微修身齊家之道遷善遠罪之方盡於此矣乃久經通行頒布所屬務令實心舉行而地方各官不能

湯子遺書卷九

江南公牘

三

仰體 上意視爲故事今十五年矣問之父老子弟竟未知十六條名目鄉約不聞講習士民何由傳誦壅閉 聖教罪莫大焉但訓辭簡重必須解

釋查有部頒浙撫陳直解本院增補近年 聖政

刻板已完合亟定期開講爲此示仰所屬官吏士民人等知悉蘇郡定於圓妙觀按期本院親詣其各府州縣城內或城隍廟或擇寬敞寺院於每月朔望地方印官率領僚屬傳齊鄉紳士民無論商賈匠役營中兵丁盡來叩拜 龍亭選擇諸生中

素行端方不出八衙門者分司講解務要詳細闡

發使人聽之警醒以仰副 聖主敦崇教化尚德
緩刑至意各宜敬謹奉行毋得視為虛文

申嚴包納錢糧之禁以祛蠹安民事

照得額徵賦稅每年刊有易知由單預期頒布在
小民按畝輸納完者歸農欠者赴比理法曉然乃
江蘇各屬相沿立有圖催圖識保戶歇家公正首
名區頭區書站櫃種種名色指難勝屈統而言之
總係包攬錢糧之積蠹吮吸民膏之蝨賊蓋江南
州縣戶口繁多科則龐雜有司畏其瑣屑視總比
爲捷徑之方經承藉稱造冊諸費仗若輩爲聚斂

湯子遺書卷九

江南公牘

卅

之計以致積年盤踞甚至衙蠹劣衿鑽營充當錮
弊相仍凡合里合圖之田地人丁悉歸掌握飛洒
混淆受其簸弄卽有一二鄉民將應輸錢糧赴城
投納反指爲欠糧之人構同差役帶比縣官不察
惟按通圖完欠責其逋抗橫加敲扑致鄉民視縣
庭爲畏途而以賄託爲得計於是一應錢糧莫不
一網兜收重勒火耗恣意侵漁或賄囑經總賣限
寬比或竟爾烹分以欠作完迨那新掩舊莫可收
拾而此輩本無身家飄然遠遁拖累糧戶重復冤
賠嗟此額賦繁重之區十室九空之候按則輸納

已是艱難何堪再供蠹役股削無怪乎賦日絀而考成日累也今新年地丁開徵伊始若不窮流塞源勢必因循陋習貽害將何底止合行曉諭嚴飭爲此示仰撫屬州縣官吏及糧戶人等知悉查照來文事理卽便轉飭所屬嗣後徵輸錢糧務遵截票按月稽比之法論令糧戶按限自封赴櫃完納凡額徵完欠尤須躬親綜核不得假手胥役致滋奸弊其圖催區差保歇等項名色一切害民蠹役槩行革逐如有不遵限完納者止摘比花戶本身若能遵限清完免比歸農間有頑戶加以薄懲則

湯子遺書卷九

江南公牘

五

良者愈知爭先頑者畏法勉勵並不許復立糧里長現年圖書總書諸役及僉點糧戶輪當帶比致令經承差役借端需索裕整難厭正供愈虧文到將檄飭緣由多書告示曉諭仍先取具遵依呈報若該州縣果能實力奉行祛蠹安民裕課足國者本院不靳薦揚以備優擢如仍蹈故轍陽奉陰違或經本院訪聞或被旁人告發除飛提蠹役杖斃外定將印官以溺職指參決不輕恕

再申嚴禁卧批之弊以清錢糧事

照得各屬解司錢糧號批從前懸宕不清雖因有

司畏顧考成捏填空批報解差役中途侵蝕彈兌
缺欠而該司衙門庫書經承亦多指稱看平估色
出收掣批等項需索措捺以致經年沈閣混淆日
甚前院有立法禁革屢經通行申飭凡係解司錢
糧務照批內填解之數兌付解差責令將批投院
登號之後速赴司庫交收如有欠平卽照實收之
數填入批匡印掣同庫收呈驗銷發期於收掣迅
速不致差役守候并杜胥役勒索之弊法立至善
自宜永久遵循乃本院蒞任以來檢查各屬號批
有不先行送院登號徑赴司庫兌收者有已經掛

湯子遺書卷九

江南公牘

六

發該司不遵定限掣銷者揆厥所由無非上下經
承線索通同藉此補掛稽延之漸欲將號批仍前
寢閣得以從中欺隱敗壞良法殊爲可恨除已掛
未掣並越號各批見在徹底清查另行提究外合
再嚴飭爲此仰司官吏遵照來文事理嗣後本院
掛發各屬號批該司務須隨到隨收隨收隨掣如
有欠平卽照實收之數填入批匡定限三日內印
掣批迴同庫收送院掛銷轉發各屬備照倘有捏
填空批報解無銀立卽據實呈報以憑提究如有
未經送院掛號徑赴該司交收者仍將原批呈請

本院登記發司收兌亦不得竟行印掣以致遲速
難稽此後再有違誤定提庫胥承發一並究處至
本院將批迴已經轉發各屬亦限該屬於三日內
卽具文報院查考免差役中途不慎損壞遺落等
弊該司一併轉飭各屬遵依仍先具文報查均毋
違延慎之速速

飭行徵糧要務永杜混冒積弊事

照得州縣徵收錢糧有一定之數民間輸納錢糧
有一定之額自康熙十八年奉 旨停止造送赤
歷之後凡徵糧之完欠以流水爲憑完糧之多寡

湯子遺書卷九 江南公牘

七

以由單爲據久經申飭乃該司與所屬府縣各官
視爲具文如年終查盤有司之完欠未聞吊取流
水一爲稽察直至奏銷考成之時行查分數苟且
塞責以致那新掩舊捏欠作完上下相蒙無從考
核至於小民完糧向有易知由單通行頒布必使
家喻戶曉庶幾弊端可絕邇來司府不過算就科
則一總達部而轉行下屬者竟直塵封以致荒熟
不分輕重莫辨甚至蠹胥私徵科派豪猾飛洒隱
漏里下無由悉知種種弊竇從茲而起該司爲錢
糧總匯亟宜實力舉行難容膜視合行申飭爲此

仰司官吏照牌事理嗣後各屬徵收錢糧務要逐季吊取流水印簿躬親察驗仍於年終彙齊考核其每歲易知由單務要刷印多張不拘城鄉村鎮廣行頒布必使人人共曉不得因循陋習優游從事致生弊端文到先具遵依繳查毋違

立法嚴禁卧批之弊等事

照得州縣解司錢糧填用號批例應先送本院衙門掛號發司兌收印掣送銷以杜侵隱以稽遲速乃邇來各屬玩不遵依將批徑投布政司收存又不卽行兌掣延至經年始將批收補送掛銷明係

湯子遺書卷九

江南公牘

六

領解員役串通司胥借端沈閣希圖侵那至本院銷發各屬號批自應遵限卽具收管呈送庶遺落損壞得以稽查乃亦故爲遲緩或竟不申送經承如此抗違深屬不法合再通飭爲此仰府州官吏查照來文事理卽便轉飭所屬嗣後解司錢糧務遵定法責令解差將批先送本院登號然後赴司交銀兌掣不得仍前補送掛銷致難稽考至本院銷發各屬批收酌量程途遠近定限文到三日內卽具收管送查倘此後仍敢玩違定提經承重處該印官仍聽指參決不姑恕慎之毋忽

禁收稅索詐之弊以安民生事

照得海寇蕩平奉 旨開禁許民自造五百石以下船隻編號印烙稽查任其裝載往來出入原以便民非以厲民經司道條議劉河開口委官收稅止爲越省貿易而設至崇明一縣雖在海中實蘇郡屬邑官吏士民往來勢不能免故雖當禁海之時未嘗不聽其往來也乃近聞劉河開口收稅官員將崇明之民變運些須土產完納賦稅者一槩照越省貿易例徵收是各省受開海之利而崇邑反受開海之害且聞稅口初開稅官兵丁衙蠹地湯子遺書卷九 江南公牘

九

棍無不視爲利藪蠅聚蚊攢加二戡頭加一火耗船至開口地棍衙蠹百般索擾私立掛號盤盤開闢出票等項名色恣行婪索官胥分飽以致民困不堪道路側目是竟不知有 功令不知有性命矣除一面密訪參究外合行出示禁革爲此示仰該管官役并商民人等知悉嗣後凡有民間越省貿易貨物方許照額徵收稅銀卽便放行不得額外需索陋規使費至於郡城本地民間往來日用之物不許一槩苛勒如敢故違或被旁人首告或經本院察出定將該管官以私徵剝參提問蠹役

土棍立拏杖斃決不姑貸

嚴飭三吳風俗浮薄事

照得三吳風尚俗號浮薄邇來假借條陳紛紛亂道大則謗議朝政小則攻訐官長不諳國體罔識功令但逞私臆妄希品題殊負本院真切求言之意况此地賦役繁重水旱頻仍年來戡定叛逆供億維艱仰賴聖皇淵謀睿算四海廓清正當返朴歸淳休養生息凡好事紛更之說一切罷罷今當春和土則潛心誦讀農則盡力耕耘各安本分共享昇平不必千里奔馳大言無當如再故違湯子遺書卷九 江南公牘

不能一槩包荒矣

曉諭事

照得吳民尙爭好勝訐訟成風每逢告期所投呈狀動輒盈千而公出之時尙有攔街叫喊者不計其數哀號迫切情似奇冤大枉一經批審半屬子虛始知此輩非冤民也乃刁民也至於初三十八兩日原因下車之始恐各屬利弊或未盡知聽據實條陳以達民情取其近理者稍示獎勵冀開直言之路近見所投呈詞多挾私假公之事甚至明開原被干証姓名將爭訟事情一槩混投殊負本

院倦倦初意已屢經曉諭不啻誥切而此番呈詞較前乃反更多獄訟繁興非地方之福也本院欲一槩不准恐實有冤枉量准一二批審之後承問官不得以本院原告稍存寬假一字虛誣卽行按律加等治罪初三十八日期自今停止如有公事仍歸初二十六兩日本院分別閱之總期息事平爭安分樂業毋以身家爲訟師所賣

修葺古祠以崇聖德事

照得泰伯以天下讓孔子稱爲至德吳中數千年文物之盛實自泰伯開之狄梁公巡撫江南毀淫

湯子遺書卷九

江南公牘

三

祠千七百所而此廟獨留今淫祠遍境內而泰伯廟傾圮最甚以此見吳民之忘本而有司之不知務也今已撤毀淫祠所謂邀聖堂者取其材木興復大殿已屬布政司總理其事將次興工爲此仰府官吏遵照來文卽於本都院寄庫贖銀內先動支伍拾兩爲工匠之費陸續再有設處該府委員督工留意稽查不得浮冒亦不得扣剋短少更不得派取民間一木一瓦以滋擾累俟工料粗備擇起工日期本院親詣祭告毋得違誤

嚴禁停柩不葬以宏孝治以廣仁德事

照得人子事親生養死葬禮之當然古者葬有定期在禮未葬不除服誠以父母窀穸未安爲人子者悲情哀緒無一日可自釋也在律經年暴露不葬者杖八十所以使人子及時舉葬不忘其親也吳下風俗澆薄俗多禁忌或因費用艱難或謂顯揚有待或過信堪輿之說非曰吉壤難求則曰歲向不利日復一日遂有累世暴露未封馬鬣者不知稱家而葬負土可成種種繁費原屬無益窮通得喪有命在天身世浮名誰能自必至於青烏家說渺冥何憑富貴之家遠卜牛眠往往再世而衰

湯子遺書卷九

江南公牘

三

貧窮之子偶爾安厝每見子孫繁昌古人云陰地不如心地奈何惑溺邪說竟成棄置甚至遺棺漸朽枯骸零落聞者慘戚當之晏然天性旣漓人心且死更有祖父母兄弟夫婦連停數棺一旦或因賦稅難完或因債負相迫輒變賣棧房以應急需而遺棺壘壘移厝荒郊雨淋日曝置之不問甚至窮民無地葬埋輒託名水葬舉而委之深淵古人於犬馬猶有帷蓋之義今慘忍至此真犬馬之不如矣合行嚴禁爲此示諭撫屬軍民人等知悉愼終追遠先賢明訓天性之良豈容漸滅詳釋示內

事理各自醒悟如有祖父母父母之喪務要遵循
禮制確奉律令按期卽行舉葬如已過期趁今春
月清明前後百無禁忌立行葬埋不得參靈張樂
廣招浮屠糜費財物自蹈非禮更不得惑溺風水
拘忌時日任意遷延致成遺棄地方府州縣官委
賢能佐貳或廣文通查境內寺廟山場有久寄棺
木無人認視者詢明來歷著落地方里老立行掩
埋仍用片石刻記再另冊登記號數詳註某寺某
廟某年某省人寄放今葬某地第幾穴俟其子孫
來尋不至迷失若敢託言水葬舉祖父母父母兄
弟夫婦遺骸委棄深淵者查實拏究立置重典決
不輕貸

爲理財用人等事

准吏部咨內開吏部等衙門覆都察院左副都御
史張題前事內一款康熙十八年至二十二年止
未完民欠錢糧若一時並徵恐民力有限錢糧反
不能得應二十四年起分年帶徵仍行各省督撫
將各年未完錢糧數目造報戶部查核奉 旨依
議欽此欽遵移咨到院准此除行布政司轉行各
府州縣遵奉外合行出示曉諭爲此示仰撫屬各

府州縣官吏士民人等知悉康熙十七年以前地
丁民欠錢糧已蒙 恩詔蠲豁十八年至二十二
年一時並徵民生苦累本都院已具疏題請分年
帶徵奉 旨該部議奏適左副都條陳內一款係
同一事奉有 前旨本都院疏無庸另議此乃

皇上軫念窮黎 特恩浩蕩萬姓免並徵之苦蒙
福無量恐地方貪官蠹胥仍行混徵或指稱部費
妄行科派上負 聖恩使小民不得實沾惠澤又
恐小民不明帶徵之例妄以二十三年目下奏銷
錢糧一槩觀望或將帶徵十八年錢糧怠忽從事
湯子遺書卷九 江南公牘

五十四

仍不肯盡數全完上負 聖恩自陷頑梗之罪均
爲不便自示之後如貪官蠹胥敢行混徵及指稱
部費科派絲毫者許士民據實赴本都院控告立
行參處爾士民亦當感戴 皇恩將二十三年目
下奏銷錢糧星夜盡數全完其分年帶徵十八年
錢糧務要照限輸納年終全完如仍前怠玩拖欠
自處頑梗地方官據實申報亦盡法懲處國憲昭
然各宜祇遵無貽後悔慎之

申飭獄政以重民命事

照得盜賊滋盛獄訟繁興重辟之囚案卷充積至

於其中有情可矜疑駁批覆讞者有黨羽衆多差
拘待訊者有疑信相半遠難輕釋者有異鄉夥犯
遠核虛實者甚之有監追贖緩者濫禁婦女者事
犯赦前不爲請釋者無重無輕寄身圓扉呻吟痛
楚殊爲可念更有牢頭獄霸行暴毆人需索銀錢
奪其衣食或卧之矢溺之中或肘諸柱楹之上甚
至有要索不遂陵虐致死者有讐家買求獄卒設
計致死者有夥盜通同獄卒致死首犯以滅口者
有獄卒放債逞兇專利坑貧因而致死者有無錢
通賄得病不報待其垂死而遞病呈或死後而補

湯子遺書卷九

江南公牘

三五

病呈者倘係情真罪當之囚瘐死猶可若抱冤待
辨之人株連未結之案一槩死於囹圄所傷天理
不細合行嚴飭爲此仰司道府照牌內事理嚴加
體察轉行所屬嗣後輕犯株連之人及婦女非犯
姦殺皆不得囚禁卽重犯關防當嚴亦不得陵虐
凡例有口糧嚴責獄吏勿使扣減牆壁要修築穢
污要滌除暑中多燃蒼朮貯清水以防瘟疫或有
疾病命醫調理先取刑房吏併囚親告治結狀詳
開某囚感某疾某醫調治果不能痊再取屍親告
領結狀併醫生病案一同黏申尤必印官細心體

察毋以循例取結了事嗣後獄犯再有死節不明
或一月之內連死三人者定以陵虐罪囚嚴提該
獄官吏究處卽印官亦難辭咎慎毋草菅民命自
傷陰功慎之文到令各具遵依繳查

禁約事

照得三吳風俗奢靡人情刁悍本都院下車之始
卽嚴行禁約酒船優戲槩行革除土妓流娼盡行
驅逐惡棍打降嚴拏究治數月以來蘇郡近地漸
漸改觀民間歲省無數金錢地方亦覺甯靜近訪
得盛澤鎮地界江浙兩省之間自恃寫遠輒敢抗

湯子遺書卷九

江南公牘

五

不遵行酒船優戲歌吹喧天娼妓惡棍叢雜聚集
鬪爭時間賭博日眾殊爲可惡該鎮地產綉絹男
婦則終歲蠶織商賈亦遠涉江湖勤勞已極贏利
幾何何必作此無益耗費本業况招集流棍往往
盜雜處其間尤爲地方隱憂合行嚴禁爲此示仰
該鎮居民商賈人等知悉嗣後各宜確遵禁約敢
尙涇樸不得仍前酒船演戲其娼妓流棍立刻驅
逐如有抗玩不遵許該地方諸色人等不時舉報
該地方官亦當留心訪察嚴拏究治倘或視爲具
文本都院一有訪聞除將本犯立拏責懲枷示外

仍將該地方官以才力不及參糾不貸特示

嚴禁借端私派以除民害事

照得任土作貢每歲各有定額此外不許多派絲毫煌煌 功令炳如日星近訪得鎮江一府私派種種如 聖駕南巡不動民間一草一木何擅派民間千餘兩至修理金山發織造銀兩將軍督修有司原不與其事而接畝加派各縣包賠此奉何衙門明文如此違 旨害民真堪詫異此外修造舢船採辦銅筋無不加派民間層層剝削莫可枚舉不知身爲 朝廷職官目無 功令惟以殘虐生民爲事天理王法誰能相貸除另行查究外合行嚴禁爲此示仰官吏軍民人等知悉每歲除正供外凡一應差役興造俱與百姓無干其從前私派及自今再有借名索詐使費者許受害人等據實控告審確官卽參拏役立柱斃本都院執法如山令在必行各宜猛省無貽後悔爲此仰鎮江府官吏卽查前項私派如修理金山係奉何衙門明文接畝科銀各縣包賠及修船辦銅等事種種據實申報以憑定奪毋得含糊

湯子遺書卷九

江南公牘

三七

嚴禁左道兇徒以端風尚以靖地方事

照得江淮地瘠民貧風俗澆薄盜賊時聞奸宄竊發勾旗索詐貽害地方者指不勝屈本都院特飭各屬嚴行保甲冀望地方官實心奉行庶幾盜息民安風俗還醇乃訪得淮徐邳睢蕭碭沛豐一帶等有等惡俗專好聚眾燒香糾錢賽戲蚩蚩愚氓狂於邀福之說而奸猾之徒卽藉爲射利之源糾合遠近置簿斂資鳴鑼張旛什百成羣更有邪教傳頭白蓮無爲聞香等會夜聚曉散男女雜遯騙財漁色習爲故常蠢輩無知惑溺不解百計承順煽動人心明造妖言暗操亂柄當其始事則有會首

湯子遺書卷九

江南公牘

六

香頭以一約十以十約百遂至接州連郡帶固根深甲長保長皆斂錢隨會竭力布施之人安望其有所稽察也又有一般惡少或因睚眦小忿輒招集黨羽角勢相攻或遇公事勾攝卽呼朋引類持械截奪抗糧毆差比比見告凡此譬不畏死之徒愚懦者不敢望其鋒焰彼卽窩隱匪類肆爲不法豈梵梵甲長所敢過問夫保甲之法原以稽察奸宄弭盜安民今惡俗不除則保甲徒爲具文合行嚴禁爲此示仰該州縣軍民人等知悉嗣後務須各務本業共保身家各親其親各長其長卽是真

正善人卽是太平景象如有前項聚眾燒香糾錢
賽會邪教傳頭男女混雜及率眾打架持械搶奪
種種不法梗壞保甲之政者該地方官訪確立拏
解赴本都院轅門以憑盡法重處自後地方保甲
如敢仍前容隱定行一體連坐三尺凜凜決不寬
貸

嚴禁攤派輸穀以除民累事

照得 朝廷重農積粟原以豫備飢荒常平義倉
社倉名目雖殊無非加惠斯民之意地方官吏必
須仰體 朝廷德意善爲奉行務令弊端盡絕民

湯子遺書卷九 江南公牘

三九

生不擾始爲稱任近聞各地方官全無愛民實心
一任蠹役指撥或稱輸粟數多可以仰邀獎賞或
謂百姓刁猾勢須坐額徵收本官一入其說牢不
可破不論歲之豐歉家之有無按戶均攤逐畝簽
派殊不思此輩蠹役利慾薰心平日尙假借官威
詐害百端遇有事機指一科十本官褻如充耳甚
至不肖自行染指 朝廷愛民仁政反爲厲民之
階可恨殊甚且丹徒一邑絕不聞該縣官加意奉
行惟該府自爲舉報與別府事例迥異而民間怨
讟之聲亦歸該府以爲府吏如虎擇人而食不知

何以得此除出示嚴禁外合亟行查爲此仰府官
吏查照來文事理嗣後每歲收成之時止許地方
官勸民隨意輸捐不得按戶逐畝科派定數所輸
之粟隨其多寡卽爲登填儘數彙報不得聽任盡
役恣意侵蝕至如本院所行義倉止許地方官勸
諭民間自爲儲備一切事宜悉聽民便與常平倉
重農積粟等案毫不相涉更不得藉端滋擾違者
許受害人等不時赴院呈控官卽參拏役立杖斃
決不姑貸併查陽壇二縣俱係該縣奉行而丹徒
一縣何獨該府舉報是否該縣官委卸不任抑府
胥藉此中飽逐一查明據實申報以後仍歸該縣
以成畫一之例毋違

湯子遺書卷九

江南公牘

三

水災異常諳諭屬寮實圖修省以回災變事

照得淮揚兩郡夙稱澤國民生昏墊已極荷蒙

聖恩蠲免滄賦子遺僅存尚望有秋民得稍甦豈

期今歲靈雨爲虐黃淮諸湖波濤齊瀉萬壑沸騰

廬舍飄蕩男婦號泣遠近聲聞本院蒿目驚心中

夜不寐夫災不虛生決由人事此皆官吏奉職無

狀民氣愁苦蒸爲恆雨而恆雨之殃還屬民受元

元何辜罹茲慘極王嘉有言動民以行不以言應

外及鄉區村鎮大約二十家以上者設社學一處
查本鄉子弟年八歲以上二十歲以下若干人除
能自備束脩外如果家貧無資者該府州縣量爲
設處廩穀本院亦捐俸相助再行儒學教官通查
該學諸生中有學問純正品行端謹者開送聘以
爲師當此任者須要端肅謹慎爲後生模楷先講
明孝經小學教之歌詩習禮問安視膳進退揖讓
之節循循善誘使知存心啟行之學然後進以四
書五經以程朱傳註爲主勿玩愒歲月虛應故事
大抵社學爲教習學業專以養蒙育德其行止不

湯子遺書卷九

江南公牘

全

端及出入衙門囑託公事不能安貧守道者雖文
詞優長教官不得開報其剽竊異端邪說炫事立
異蠱惑後生者卽革去館穀另選教讀須該府州
縣誠愛惻怛視民如子勤勤懇懇隆師重道方克
有成數年之後士習益端禮讓可風庶不負 朝
廷興行教化及本院樂育人材之意果有實效者
本院不靳特疏薦揚不然雖有他長無教育之實
蹟難登薦牘

禁止參謁事

照得本都院恭膺 簡命撫治江蘇期與諸司共

圖實政仰副宸衷縟節繁文本都院素所厭絕
茲當蒞任之初誠恐各官因循故套遠來參謁有
隳職守無益官方合先嚴行飭禁爲此仰司道府
州官吏查照來文卽便轉行所屬一體恪遵毋得
循套遠謁擅離地方未便

嚴禁餽送請託以肅吏治事

照得本院鎮撫三吳職在振肅風紀激濁揚清必
持廉秉公毫無假借方能使貪吏革心士民樂業
故夙夜兢兢飲冰茹蘖上慄天鑒下畏民瞻尤先
以杜絕餽遺嚴革請託爲第一義今蒞任方新誠

湯子遺書卷九 江南公牘

三

恐各屬因循陋規借端餽送或夤緣貴介致書游
揚皆無益實政有乖治體合行嚴禁爲此示仰撫
屬官吏軍民司道府官吏轉行所屬官員人等知
悉各宜清白乃心滌除陋習持身如玉愛民如子
典利務勤去弊務盡果操凜四知政成三異不煩
奔競自膺顯擢倘簞篋稍玷桁楊不檢白簡如霜
斷難寬貸平日費盡心力究竟毫無效驗何如殫
精竭慮恪共職業省交際之煩絕夤緣之私上下
風清不愧不怍也自示之後如以本院之言爲故
事是必本院素行未孚故不相信指名 題叅勿

決不民好義之誠事關救荒重務務宜實力舉行
多方鼓勵慎勿泛視速速

頒行賑粥條例以圖救荒實政事

照得今歲江北淫雨爲災河湖交漲饑民嗷嗷朝
不保夕本都院日夜計念寢食都廢題請大沛

皇仁賜蠲賜賑又告羅鄰省求助巨室不遺餘力
但被災之地旣廣而待賑之日甚長旣慮委任之
非人又患發賑之無策除素有體面家無升合不
肯同赴粥場豈可閉門待盡或賑穀或賑銀務有
定數定期無使豪強串通衙役假名虛冒致廩穀
湯子遺書卷九 江南公牘

不繼至於老幼孤獨顛連無告之人必須煮粥差
有實惠蓋粥場之內眾目昭然自非真正赤貧誰
肯持盃就食一便也強梁者不過滿腹而孤弱者
亦得餬口二便也其中弊端不過煮少報多及雜
以賸壞之物二者而已誠慎選謹厚生儒殷實大
戶存心仁慈能耐煩勞者每場委任二三人使互
相覺察彼旣不缺衣食孰肯侵蝕官糧結怨饑民
三便也隨處多立粥場就食者不出一二十里之
內旣無露宿之苦且得顧盼其家四便也倘有神
矜家道饒裕及富商大戶好義樂施力能獨任一

場卽使其人自監之旣濟饑民且可省胥役之擾
五便也所有煮粥應行事宜開列於後

一廣煮粥之地查得饑民無定方而煮粥有定處
若不多設處所以粥就民而但圖自己近便使饑
民就食於場歸宿於家十里之外卽不勝其跋涉
矣壯丁赴場猶可隨在歇止至於衰老殘疾以及
婦女小兒豈能遠來就粥若令乞粥歸家不惟道
遠難攜亦且稽察無據今宜多設粥場如城郭人
民繁庶者每城四門外各設一場其城郭人民不
多者於兩門之外各設一場至於鄉間相距十五
馮子遺書卷九 江南公牘

四

六里卽須於人烟稠密之處有寺廟公所者各設
一場至遠不過二十里若荒野之地則不拘庶於
人情爲便

一擇管場之人每場應立監督二人總管粥場事
務稽察一切奸弊掌簿一人主登記米糧柴薪出
入數目及每日食粥飢民名數司穀四人兩人收
掌米糧兩人收掌柴薪各就立場處所選擇殷實
忠誠廉幹可託素爲一方推服者充當其人如果
實心辦事克稱任使事後分別獎勵倘有從中作
弊發覺者計侵蝕米糧一斗定罰還米十石

一計煮粥之費一切官倉及樂輸諸米掌印官酌量各粥場約需石數每十日一發差在官夫役分送公同該場監督掌簿交明收掌米糧之人積在該場嚴密處所監督判封條收掌人主鎖鑰至食粥飢民各場每日人數多寡不齊監督先期酌量該場應需鍋竈桶杓若干又酌定每鍋容米若干編定字號每晚掌簿報食粥人數於監督監督視其人數多寡計每日每人以官斗六合爲率共需下米若干鍋照依鍋數各用刊刻小票填註某月日某號鍋應領米若干散給鍋頭次日黎明鍋頭湯子遺書卷九 江南公牘

執票赴收掌米糧處交票領米卽刻攜注鍋中不許先期支領亦不許攜往他處以杜侵蝕其支柴薪亦如之收掌米糧之人每晚將收到小票交付掌簿登號每月終公同監督清查一月內賬過飢民若干用過米柴若干填單報明該州縣以憑事後銷算其應用器具卽於附近處所隨便酌量借用如有破損事後補還飢民有自攜椀箸者聽從自便

一行勸輸之令善不獨行當與好義者共之掌印官爲民父母不得憚勞宜親攜簿簿和減從裏糧徧

歷城市鄉村親見紳衿富民多方鼓勵或願捐糧若干石或煮粥若干日飼養若干人俱令自登簿籍造冊呈院以憑獎勵其各場需用柴薪掌印官便宜設處至有好義紳衿富商大賈力能獨任一場者卽令其人自爲監督該州縣不須另行委任致滋掣肘仍將賑過飢民數目報查以憑格外優獎

一別食粥之人凡來食粥者報明該場監督立簿二扇分爲班次老者不耐飢爲一班粥先給有疾者勿令雜處眾中爲一班粥先給少壯者爲一班

湯子遺書卷九

江南公牘

美

最後給造次顛沛之時男女不可無別令男坐左邊女坐右邊各以老疾少壯爲序倘有遊閑棍徒假充饑民雜入場內調謔婦女者該監督卽鳴官重懲

一定散粥之法鳴鼓一通食粥之人各依班次坐定不許越次爭食水火夫將煮熟粥擡桶徧向兩邊面前各照盃數滿注周而復始大率每人止於兩盃如有不遵條約越次爭食者定非真正安分飢民該監督卽行揮出若聚眾搶奪嚴拏加倍重處治亂民以安良民不得姑息

一課煮粥之實每鍋四口設鍋頭一名著監督擇尚義好善之人充當外設火夫二名柴水夫二名俱就飢民中選少壯者用之每日責令鍋頭領米下鍋煮粥務要稠熟堪療飢腹如有扣剋米糧柴薪以致粥不如法及惰慢誤事者輕則該監督自行驅逐重則鳴官責治

以上一切事宜須掌印官留心料理不時單騎稽察至於揀選監督諸人相度立場善地並須廣詢衆論曲體人情不得偏執已見亦不得輕信近習以致奸棍營謀就中取利如果殫心任事使飢民湯子遺書卷九 江南公牘

得均沾實惠本都院不吝薦揚如慢不經心任憑蠹棍侵擾致飢民轉死十人以上者一經訪聞定以溺職題叅決不姑貸

禁止建碑立祠以正惡俗事

據蘇松兩府士民劉理俞宗張華等又據蘇州府士民黃中堅范汝瞻許元等又據蘇松兩府士民陸吉陳瑞趙甫等紛紛具呈妄稱頌本院德政請立碑建書院作生祠等情本院閱之不勝駭異蘇松賦重役繁民生困苦上下掣肘諸事維艱本院夙夜拮据叢脞實多捫心自揣有過無功况見任

官輒自立碑律有明禁至於建書院造生祠尤爲末俗諂諛之習本院素所深惡吳門生祠如林豈必盡有功德甚至過者指斥其姓名歷數其劣狀未嘗以其有生祠而稱美之也若周文襄王端毅海忠介三公忠直廉惠之名表表天壤史書載之兒童知之今曾無半間之宮本院欲爲存一俎豆之地而苦於工費爲之中止可見生祠之不足貴矣至於書院原先儒講學明道之所今因避生祠之名而槩稱講院尤屬無謂此皆好事無行之徒借以媚官長詐鄉愚漁利行私今欲加於本院是

湯子遺書卷九

江南公牘

卷九

以本院爲好諛喜諂之愚人也何待本院之薄也合行嚴禁爲此示仰兩府官吏士民人等知悉各宜恪遵 功令禁絕惡俗前項具呈士民亦宜各守本分自安生業毋得踵習陋套上干律例府縣官吏著落地方保長不時巡察如有不遵卽行指名報院以憑提究無違

毀淫祠以正風化事

照得吳中素多淫祠上方山尤爲最著邪魅惑人已數百年遠近男婦晝夜奔趨敗壞風俗於斯已極本院下車之初卽行禁止婦女進香者較前稍

稀不意本院因賑荒赴淮適值會期男婦又復叢集本院念人心迷惑日久非文告所能省悟已將其像泥塑者投之太湖水中木雕者投之烈焰已成泥土灰燼矣又慮其地尚存數年後妖孽師巫必倡邪怪之說仍舊興復惟有另設剛大正直神像庶足以鎮壓鬼魅震懾人心擬合飭行爲此仰吳縣官吏查照牌內事理卽選匠役擇期另敬塑關聖帝君神像一座務要莊嚴壯偉侍從如式限歲內妝成本院躬詣祭告毋得遲違

申飭事

湯子遺書卷九 江南公牘

五

照得縣令一官以潔已愛民爲盡職興化地處河湖下流民生昏墊已極今歲更值異常水患飢民嗷嗷堪憐該縣蒞任方新正當夙夜憂勤撫綏殘黎以副職任本院因議賑往來淮揚體察民情詢問風俗該縣重土愛民之績無聞而乖張剛愎之名已著怨謗沸騰遠邇如一本院始而疑旣而不能不信該縣爲雲朔名族庭訓有素何一旦不自愛重欲與貪墨同轍深爲可怪或者悞聽左右之言不察南北之宜興革無漸舉動乖方未能收攬民情驟欲剔除夙弊衙蠹乘間進言該縣罔知覺

察本當卽行司道廉訪實蹟具疏八告念方新任
特行申飭以勵後效爲此仰興化縣官吏照牌內
事理速猛然醒悟洗滌肺腑毋以衙役之言爲可
信毋以士民之情爲可拂精白一心潔已愛民緩
徵停訟加意賑恤務令災民得所不至流離失業
轉怨誹爲祝頌化仇讐爲腹心困苦之民易怨易
感司牧之官甯寬勿刻如仍不自改絃穢聲一著
本院惟知 功令保全無策該縣功名已矣獨不
爲身家性命計乎獨不爲祖父師友地乎思之思
之文到卽具遵依報查毋違

湯子遺書卷九

江南公牘

罕

嚴禁扒手以除民害事

照得京口爲南北通津商賈輻輳之所兵民雜處
奸宄叢生向來地棍勾結旗廝并無賴惡少投旗
壞法逐出無歸者潛住鎮城內外逐隊成羣無惡
不爲名曰扒手或揜放營債滾折妻孥或冒捏逃
人恣意詐騙或駕舟引渡至江心而乘機搜索或
攬挑行李走空僻而勾黨截邀或遇鄉農攫抽柴
米或用假銀強買物件甚至窩藏賊盜劫掠分肥
種種流毒實爲厲階行旅往來視爲畏途除出示
嚴禁外合并飭行道府各官察訪拏究外合亟示

禁爲此牌示仰道府官吏查照來文事理卽便嚴
行查察該文武官吏軍民人等知悉如有前項扒
手惡棍在於江岸開口等處挑人行行李貨物詐害
商民者該地方官卽便多差兵捕盡數擒拏如係
旗人徑解將軍衙門一面詳報本都院咨會發落
如係冒旗棍徒鎖解本都院軍前以憑從重究處
地鄰保甲容隱不報事發一體治罪地方各官徇
情故縱或經本都院訪實或被受害人首告定以
溺職糾參斷不寬假各宜慎之

嚴禁婦女入寺廟燒香以正風俗事

湯子遺書卷九

江南公牘

罕

照得維揚風俗奢靡流弊已極婦女冶游惡習尤
甚本院下車之初卽通行嚴禁今吳門寺觀遊女
絕跡浮華之俗煥然丕變獨維揚積習日深恬不
爲怪皆地方官奉行不力而富商豪右怙侈滅義
罔知省悟故也合再嚴禁爲此示仰官吏各色人
等知悉以後婦女當靜處深閨恪守女誠如有豔
妝冶遊入寺廟燒香與淫僧奸棍爲伍者婦坐其
夫女坐其父無父坐其兄弟僧道尼姑不行拒絕
敢於招引者該地方官一併鎖拏解院盡法重處
枷示通衢決不姑貸地方官縱容不舉或本院訪

聞或旁人出首地方官以才力不及定考各宜慎
之母忽

懇賜憲示以便封植事

據官屬汪義呈稱竊先賢楊公諱循吉遺墓坐落
吳縣十一都三十五圖之嗣主祀被地棍侵佔私
相賣買已歷數姓周圖鋤作菜地棺骸暴露家主
翰林院汪目擊心傷幸有從遊周生員等景仰前
賢捐銀一十四兩契買居民丁程美仇仲甫所佔
地墓現在培土掩棺栽松植碑恐有地方棍徒仍
行親佔伏乞給示勒石永禁等情到院據此爲照

湯子遺書卷九

江南公牘

望

楊南峰先生文章品望表著先朝祇因承嗣乏人
致墓田被地棍侵佔棺骸暴露殊可憫惻今汪太
史倡率後進捐金買地修葺墓道高義足稱誠恐
仍有不法棍徒擅行侵佔無知愚民樵採牧放使
先賢不能保一抔之土後學憑吊徒切感傷深爲
不便合行禁約爲此示仰該地方人等知悉此係
汪太史用價置買之地爲先賢封植墓道左右隣
家不得妄肆侵佔樵夫牧豎不得牧放牲畜剪伐
樹木致有損傷如有故違許墳丁赴有司稟控查
處情罪重者具報本院拏究不貸

禁約事

照得長洲縣周莊鎮爲蘇松接壤之區原屬僻地向來提標兵馬俱由崑山官塘行走近聞有等員役往來蘇松不由大路每每在鎮停宿指稱糧餉軍需傳喚居民支更帶絆踏提農船以致商賈貿易裹足不前鄉鎮小民驚惶無措殊屬不法除移咨昭武將軍查禁外合行曉諭爲此示仰該地方居民人等及汛守弁兵知悉嗣後一切標員入役務各凜遵法紀如有奉差公事往來郡城仍由官塘行走不得住宿僻鎮騷擾居民以及捉船帶絆湯子遺書卷九 江南公牘

望

貽累農商如有故違許諸色人等指名稟控以憑查拏軍法重處決不姑貸

再飭訪拏以除民害事

照得三吳蠹棍狼狽爲奸生事詐贓朦官肆虐種種惡端難以枚舉本院留心體訪業已得其一二是以上年十一月間通飭察拏解究延今四月尚無揭報豈上下衙役盡皆改過守法而地方豪棍遂能革心革面者乎顯係徇縱合就飭催爲此仰司道府州官吏查照原今事理卽便嚴加緝訪凡有前項著名蠹棍流毒民間神人共憤者無論院

司道府鹽關蠹役及勢豪劣矜訟師打降逐一廉
取確實款跡具揭固封星馳詳院以憑提拏重究
但不得旁寄耳目瞻徇情面輒以菜備塞責致渠
魁漏網自干隱庇之咎

嚴禁焚棺水葬以廣孝思以厚風俗事

據長吳二縣在城居民呈稱吳民水葬極爲慘痛
始舉肉屍火燬繼掃骨殖投淵形跡無存莫可憑
弔今蒙憲禁停柩不葬但窆尸無墓可瘞查蘇城
六門外向有廣孝厝每處可容萬柩伏乞一體施
恩出示招葬不許將棺火燬違者治以重罪并取

湯子遺書卷九

江南公牘

器

各壇土工不燒執結呈遞陰功無量等情到院據
此爲照吳民罔知務本每事不循古禮親屬喪亡
不思竭力以營窀穸始則停棺暴露繼乃燬骨沈
淵此等惡俗不知起於何代言之深可太息且舉
屍焚燬穢氣衝天何忍聞見此皆爲民上者教化
不宣以致相習成俗陷民非義茲據前情除檄行
長吳二縣確查義塚處所聽民隨便安葬外合亟
飭禁爲此示仰蘇城內外居民人等知悉凡有已
故尊長及眷屬屍棺一槩不許焚燒俱於就近廣
孝厝處所覓取一抔開壙掩埋或立片石爲記或

樹木椿存識俾日後不致遺亡便於祭掃至此地
原係公占無糧如有指稱辦賦名色需索阻撓許
卽指名控告但此雖公所爲數有限止可尺土容
棺不許恃強多占妨礙他人嗣後如有仍舊不葬
將棺焚燬一經查出定行從重治罪不貸除出示
嚴禁焚棺聽民安葬義塚外合就飭查爲此仰縣
官吏照牌事理卽查六門外廣孝阡共有若干處
所在於某某地方每處若干畝數約可容棺幾許
是否向係公占無糧目今有無隙地可以廣聽貧
民安葬務須兩縣會同逐處親臨勘確繪畫圖式
湯子遺書卷九 江南公牘

置

開明畝數界址設或窄隘不敷作何開拓蠲除糧
額一併定議詳院以憑閱奪一面曉諭居民各於
就近義塚隨便葬埋不許仍踵故習將棺焚燬并
取各壇土工不致燒棺遵依執結送查俱毋違誤
嚴禁借端私派以除民害事

照得任土作貢歲有常額易知由單之外不得科
取分毫煌煌功令炳如日星鎮江修理金山奉
旨發織造銀兩將軍督修此與地方官有何干
涉近聞該府按畝加派所屬各縣俱有包賠殊堪
詫異此事可以私派何事不可豈以百姓愚懦固

可恣意剝蝕上官槩是聳聵全無聞見乎除示禁飭外合行嚴查爲此牌仰司道官吏查照牌內事理卽將前項科派情由銀數多寡是否地方官自行入已抑或蠹役蒙蔽作奸限文到三日內嚴查確實具詳報奪如或徇情容隱本都院一有確訪定將該司道一併叅處愼之速速

恭陳未議等事

據江蘇布政司詳覆泰興縣條議敬惜字紙救育遺嬰賑恤貧老禁絕火債四款逐一參酌加看開列一冊到院據此除惜字育嬰賑貧三款係有司

湯子遺書卷九

江南公牘

哭

之事無庸贅敘外查該司冊開一據泰興縣原議日請禁火債剝眾云等情據此爲照江南各屬地窄人稠務農者少逐末者多更兼荒歉之餘閭閻十室九空肩挑負販之徒本少利微日博蠅頭猶艱餬口全在休養生息庶幾瘡痍可起若再加以私債剝蝕則窮民益無生計查印債重利最爲民害蚩蚩之氓偶因一時緩急不覺墮其術中稱貸之時先去扣頭折色帶頭保人等項一兩實止數錢及至銀方到手而索債者已隨其後矣按期取盈聲勢相加稍或愆期利上起利小民竭力經營

弗能填其谿壑甚有借債還債層層滾算有限脂膏盡爲吮噬迨力竭計窮流爲匪類者有之輕生以殉者有之種種厲階難更僕數此皆無藉棍徒昧心射利者之所爲而營兵旗廝罔知法紀相率效尤者亦復不少本院稔悉此弊屢經頒示禁飭諳諳剴論在案茲據該司議詳前情除批令通行外相應咨請貴鎮將軍織造一體通飭各營將弁嚴加禁戢如有違犯卽繩以法仍責該管官以失察之咎庶無知廝卒稍凜三尺而殘喘子遺亦可漸登衽席矣除害安民諒有同心也

湯子遺書卷九

江南公牘

聖

奇弊屠商號憲滅蠹事

案據附居長洲縣原籍徽州府歙縣民方耀呈詞前事內稱蘇州許墅一關止有量船納鈔之例並無抽稅之款設定則例額無增減正項錢糧四則平料加平補料加補如船七尺起一丈八尺止上供十兩五錢爲滿今被大蠹鄭國柱等違旨額外私立奇弊苛徵加出磨頭高堆提駁腳駁七新八新七尖八尖又七新又八新又七尖又八尖八二三入庫九二三入庫新興橋工認費火耗加平照票使用看船酒錢等弊如一丈八尺徵至九十

九兩三錢九分正餉十兩五錢外其餘之賦羣蠹
朦官上中下三等烹分 朝廷設櫃令商自投填

註部頒堂簿不容見面紅單照票不填完銀數目
止填丈尺只此一弊可謂悖 旨屠商明彰大弊

耀於八月初七日載米三百六十石由關量船一

丈三尺舊例三兩一錢五分被徵五十七兩二錢

船戶徐忠証印票據復遭白拉楊奉調丈量王猷

等看船索詐使用擁擠踏船沈米血本無贖情極

告長洲縣申蘇州府轉申司道俱准總被蠹等財

靈捺起並未對簿一次流落難歸求食申冤欣幸

湯子遺書卷九

江南公牘

四

憲天冰心鐵面三吳羣黎之生面已開關弊未除
水陸商民之生機未判叩憲親審關弊立除等情

前來據此隨經批行江蘇布政司嚴提究審在案

又據浙江紹興府會稽縣生員沈彪呈爲漏蠹藐

抗狡脫潛浙愈猖據實首明號勅提究事內稱云

等情前來據此爲照鄭國柱一犯盤踞澣關罪惡

貫盈本院行司提審遽爾脫逃旣於上年十二月

二十一日潛回浙江紹興府山陰縣東光地方居

住本院又聞伊曾經捐納鴻臚寺序班職銜輒敢

自恃隔省藐抗不行赴質似此蠹國病商之積猖

豈容漏網所當咨請貴院威靈迅檄該地方官查
確鄭國柱果否捐納京職移示過院以便題參一
面將本犯押解來蘇俾得轉發究審諒貴院除害
安良自有同心也相應咨會爲此合咨貴院煩查
請照

永杜夤緣請託之弊以肅官方事

照得 朝廷設官置吏專以牧養斯民爲主必須
奉公守法庶幾不負職守本院下車以來聞吳中
奔競成俗請託之習牢不可破每一州縣缺出旋
有無恥之徒鑽營委署紛紛藩司之門在上官雖
湯子遺書卷九 江南公牘

兜

不過曲徇情面而此輩實係用賄行求夫旣以賄
得篆豈有潔已愛民之理是以 朝廷百里之地
爲市也但今可委之人原自無多而能堅持靜聽
者甚少卽秉公遴委亦半屬請託而得人見其同
用賄賂同求情面其不得者祇以爲彼工我拙因
而奔競之風幾無底止自後州縣正印缺出應委
署官該司務察所屬正途出身先檢府佐貳府佐
貳無人再檢州縣佐貳除才品庸下平日操守不
謹有據可指者不得開列外其餘開列可委者二

三人做照吏部選官之例令其親赴本院當堂自

行掣籤如路遠現有職守不便遠來者聽蘇州府知府代掣至於差委辦解顏料等事如採買青藍布疋已定三府同知通判輪流辦解當照蘇松常三府次序挨委今爲期尚遠卽著爲定例俾臨期人知有一定之例不致羣起躁競稍存恬退之風以養廉恥之念官箴無玷吏治以肅且署印者先無所費則能潔已愛民辦解者先無所費則能潔已急公其所關非細合就飭行查議爲此仰司官吏照牌事理卽將本院所行檄內掣籤輪委事宜可否稍除弊端再加確議通詳總督部院暨本院

湯子遺書卷九

江南公牘

五

以憑會奪著爲定例毋違

